



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka ("Službeni glasnik BiH" broj 95/12 i 41/16), člana 25. Pravilnika o godišnjim finansijskim izvještajima političkih stranaka ("Službeni glasnik BiH" broj 96/13 i 89/16), a u skladu sa članom 18. Pravilnika o administrativnim procedurama pregleda, kontrole i revizije finansijskih izvještaja političkih stranaka ("Službeni glasnik BiH", broj: 103/08), izdajem

IZVJEŠTAJ O REVIZIJI GODIŠNJEG FINANSIJSKOG IZVJEŠTAJA ZA 2015. GODINU KOMUNISTIČKE PARTIJE

Broj: 03-07-6-337/16
Sarajevo, 15.06.2017. godine

SADRŽAJ

| | |
|--|---|
| MIŠLJENJE REVIZORA..... | 3 |
| 1. UVOD..... | 4 |
| 2. PREDSTAVLJANJE POLITIČKE STRANKE..... | 4 |
| 3. OPIS REVIZIJE..... | 5 |
| Predmet revizije..... | 5 |
| Cilj revizije..... | 5 |
| Obim revizije..... | 5 |
| 4. PRETHODNE KONTROLE I REVIZIJE..... | 5 |
| 5. NALAZI I PREPORUKE..... | 5 |
| 5.1. NALAZI..... | 5 |
| 5.2. PREPORUKE..... | 6 |

MIŠLJENJE REVIZORA

Služba za reviziju finansiranja političkih stranaka (u daljem tekstu: Služba za reviziju) izvršila je reviziju godišnjeg finansijskog izvještaja Komunističke partije za 2015. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Naša odgovornost je da izrazimo mišljenje na osnovu revizije koju smo izvršili.

Reviziju smo izvršili u skladu sa revizijskim standardima. Ovi standardi zahtijevaju da reviziju planiramo i izvršimo na način da prikupimo dovoljno dokaza koji nam, u razumnoj mjeri, pružaju garanciju da je stranka postupala u skladu sa odredbama Zakona o finansiranju političkih stranaka.

Revizija je na osnovu uzoraka ispitivala značajne transakcije koje potvrđuju iznose u finansijskim izvještajima, ocjenu računovodstvenih načela prilikom sastavljanja finansijskih izvještaja i postupanje u skladu sa odredbama Zakona o finansiranju političkih stranaka.

Smatramo da revizija koju smo izvršili pruža razumnu osnovu za izražavanje našeg mišljenja.

Revizijom godišnjeg finansijskog izvještaja za 2015. godinu, utvrđeno je da je Komunistička partija prekršila odredbe člana 4. stav (1) , člana 11. i člana 12. Zakona o finansiranju političkih stranaka.

Prema našem mišljenju, osim navedenog, revidirani finansijski izvještaj ukazuje da je Komunistička partija u 2015. godini postupala u skladu sa odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je reviziju godišnjeg finansijskog izvještaja Komunističke partije za 2015. godinu.

Revizija je preduzeta u skladu sa članom 10. stav (1) Zakona o finansiranju političkih stranaka, članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da se revizija obavlja provjerama na bazi uzorka i da postoje ograničenja u računovodstvenom sistemu i sistemu internih kontrola, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Komunistička partija se finansirala iz sljedećih izvora:

| R/B | Izvori finansiranja | Iznos (KM) | Struktura (%) |
|-----------|--|------------------|---------------|
| 1. | Članarina | 0,00 | 0,00 |
| 2. | Prilozi fizičkih lica (3-a) | 0,00 | 0,00 |
| 3. | Prilozi pravnih lica (3-b) | 0,00 | 0,00 |
| 4. | Prihodi od imovine (3-c) | 0,00 | 0,00 |
| 5. | Prihodi od dobiti preduzeća u vlasništvu političke stranke (3-d) | 0,00 | 0,00 |
| 6. | Prihodi od poklona (3-e) | 0,00 | 0,00 |
| 7. | Prihodi iz budžeta (3-f) | 12.511,00 | 100,00 |
| 8. | Prihodi od propagande (3-g) | 0,00 | 0,00 |
| 9. | Ostali prihodi | 0,00 | 0,00 |
| I | Ukupni prihodi (1-9) | 12.511,00 | 100,00 |
| II | Kreditno zaduženje kod banaka | 0,00 | 0,00 |
| | Izvori finansiranja (I+II) | 12.511,00 | 100,00 |

Prema podacima iz godišnjeg finansijskog izvještaja, Komunistička partija je iskazala rashode u ukupnom iznosu od 12.500,00 KM.

2. PREDSTAVLJANJE POLITIČKE STRANKE

Naziv političke stranke je Komunistička partija. Skraćeni naziv stranke je: KP

Politička stranka je registrovana kod Općinskog suda u Sarajevu, rješenjem broj: 065-0-F1-12-000005 od 10.04.2012. godine.

Sjedište političke stranke je u Sarajevu, ulica Alije Imamovića 44.

Lice ovlašteno za zastupanje stranke je Muhamed Imamović, predsjednik.

Lice ovlašteno za podnošenje finansijskih izvještaja za 2015. godinu je Dražen Ljiljanić.

Prema podacima iz godišnjeg finansijskog izvještaja za 2015. godinu, organizacionu strukturu Komunističke partije čine:

- Predsjedništvo Komunističke partije u Sarajevu,
- Općinski odbor Komunističke partije Novo Sarajevo i
- Gradski odbor Komunističke partije u Banjoj Luci.

3. OPIS REVIZIJE

Predmet revizije je godišnji finansijski izvještaj Komunističke partije za 2015. godinu.

Cilj revizije je da se na osnovu provedenih revizijskih procedura pribave revizijski dokazi, koji će revizoru omogućiti da izrazi mišljenje o tome da li je Komunistička partija u izvještajnom periodu postupala u skladu sa odredbama Zakona o finansiranju političkih stranaka.

Obim revizije finansijskog izvještaja Komunističke partije obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

Obim revizije je bio ograničen, obzirom da politička stranka revizorima nije omogućila uvid u kompletnu finansijsku dokumentaciju i poslovne knjige, koji su bili predmetom revizije, u skladu sa Zakonom o finansiranju političkih stranaka.

4. PRETHODNE KONTROLE I REVIZIJE

Služba za reviziju je izvršila pregled i reviziju godišnjih finansijskih izvještaja u periodu od 2012. do 2014. godine.

Nakon izvršene revizije godišnjeg finansijskog izvještaja za 2014. godinu, izdat je izvještaj o reviziji sa nalazima revizije i preporukama stranci da vodi evidencije o primljenim priložima i izdaje potvrde o prijemu priloga, da vodi evidencije o prihodima, rashodima i obavezama stranke, odnosno da poslovne knjige vodi u skladu sa računovodstvenim propisima, da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka i da finansijske izvještaje podnosi u rokovima propisanim Zakonom o finansiranju političkih stranaka i članom 15.1 stav (1) Izbornog zakona Bosne i Hercegovine.

Nerealizovane preporuke:

Na osnovu uočenih nedostataka u godišnjem finansijskom izvještaju za 2015. godinu, utvrđeno je da Komunistička partija nije ispoštovala date preporuke.

5. NALAZI I PREPORUKE

5.1. NALAZI

Komunistička partija prekršila je odredbe člana 4. stav (1), člana 11. i člana 12. Zakona o finansiranju političkih stranaka.

Komunistička partija u 2015. godini nije vodila poslovne knjige u skladu sa računovodstvenim propisima i nije uspostavila evidencije o svojim prihodima i rashodima, što je suprotno odredbama člana 11. i 12. Zakona o finansiranju političkih stranaka.

Obzirom da Komunistička partija nije vodila poslovne knjige, nedvosmisleno je utvrđeno da godišnji finansijski izvještaj za 2015. godinu koji je stranka podnijela Centralnoj izbornoj komisiji Bosne i Hercegovine, nije zasnovan na relevantnim knjigovodstvenim evidencijama i nije podnesen u skladu sa Pravilnikom o godišnjim finansijskim izvještajima političkih stranaka-u daljem tekstu: Pravilnik, čime je prekršila odredbe člana 12. Zakona o finansiranju političkih stranaka.

(1) Uvidom u obrasce godišnjeg finansijskog izvještaja utvrđeno je da Komunistička partija nije pravilno iskazala podatke o rashodima, čime je prekršila odredbe člana 21. i 22. Pravilnika. Stranka je u obrascu 4 (ukupni rashodi političke stranke) iskazala ukupne rashode u iznosu od 12.500,00 KM, dok je na pojedinačnom obrascu 4.1 (režijsko-administrativni i ostali troškovi) u strukturi troškova navela usluge u iznosu od 4.422,00 KM i ostale rashode u iznosu od 8.078,00 KM, bez navođenja analitike troškova.

Kako tokom obavljanja revizije, revizorima Službe za reviziju nisu predloženi računi, nije se mogla pouzdano utvrditi struktura troškova, niti ukupni rashodi stranke u 2015. godini.¹

- (2) Komunistička partija je na obrascu 2.1 (pregled stanja blagajne) godišnjeg finansijskog izvještaja iskazala promet ulaza u blagajnu u iznosu od 12.500,00 KM i izlaza u istom iznosu. Stranka tokom obavljanja revizije nije predložila račune kojim bi pravdala isplate za materijalne troškove iz blagajne, tako da se nije moglo utvrditi da li su finansijska sredstva koja je ostvarila isključivo iz budžeta utrošila za ostvarivanje ciljeva utvrđenih svojim programom i statutom, čime je prekršila odredbe člana 4. stav (1) Zakona o finansiranju političkih stranaka.
- (3) Stranka nije popunila obrazac 5 (obaveze političke partije) u skladu sa odredbama člana 24. Pravilnika, jer nije iskazala neizmirene obaveze po osnovu pozajmice od fizičkog lica iz 2014. godine.
U godišnjem finansijskom izvještaju, na obrascu 5, i u Bilansu stanja na dan 31.12.2015. godine, stranka nije iskazala da ima obaveze. Uvidom u obrazac 5 godišnjeg finansijskog izvještaja za 2014. godinu, utvrđeno je da je stranka imala obaveze po pozajmicama prema fizičkom licu koje su na dan 31.12.2014. godine iznosile 29.000,00 KM.² Kontrolom prometa izvoda sa transakcionog računa broj: 3060352622892126 kod Hypo Alpe Adria za 2015. godinu nije utvrđeno da je navedena pozajmica vraćena.
- (4) Revizorima Službe za reviziju finansiranja političkih stranaka, tokom obavljanja revizije djelokrug revizije bio je ograničen, iz razloga što stranka ne vodi i ne posjeduje poslovne knjige³, i nije dostavila traženu finansijsku dokumentaciju. Stranka je tokom obavljanja revizije, revizorima Službe za reviziju dostavila samo kopije izvoda sa transakcijskog računa otvorenog kod Hypo Alpe Adria banke.

5.2. PREPORUKE

Preporučuje se Komunističkoj partiji da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- ***da finansijska sredstva koristi isključivo za ostvarivanje ciljeva utvrđenih u programu i statutu stranke,***
- ***da vodi evidencije o prihodima, rashodima i obavezama stranke, odnosno da poslovne knjige vodi u skladu sa računovodstvenim propisima, i***
- ***da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka.***

KOMENTAR

U ostavljenom roku, Komunistička partija nije se očitovala na nalaze revizije i mišljenje revizora dato u Preliminarnom izvještaju o reviziji godišnjeg finansijskog izvještaja za 2015. godinu.

šef Odsjeka za revizijske poslove

Sanja Tošović

šef Službe za reviziju

Mr. sc. Hasida Gušić

Revizor

Nevenko Andan

Pomoćnik revizora

Mr. sc Goran Cicović

¹ Izjava predsjednika stranke da nisu vođene poslovne knjige za 2015.godinu.

² Ugovor o pozajmici Komunističke partije i Mihajlović Zdenka na iznos pozajmice od 29.000,00 KM, broj ugovora: 125-3/2014 od 22.05.2014. godine, sa rokom vraćanja od šest mjeseci.

³ Dnevnik, glavna knjiga i pomoćne knjige (blagajna, obaveze i dr.)